

OFFICIUM
S. VINCENTII A PAVLO
CONFESSORIS.
SEMIDUPLEX.

Omnia de Com. Conf. non Pontificis, præter sequentia.

In Hymn. Iste Confessor, mutatur tertius Versus.

ORATIO.

DEus, qui ad Evangelizandum pauperibus, & Ecclesiastici ordinis decorem promovendum, beatum Vincentium Apostolicâ virtute roborasti: præsta quæsumus, ut cujus pia merita veneramur, virtutum quoque instruamur exemplis. Per Dominum.

IN I. NOCTURNO.

Lectioes de Scriptura occurrente.

IN II. NOCTURNO.

Lectio iv.

Vincentius à Paulo, natione Gallus, Podii non procul ab Aquis Tarbelis in Aquitania natus, jam tum à puero eximiam in pauperes charitatem præ se tulit. A custodia paterni gregis ad

litteras evocatus, humanas Aquis, divinas cum Tolosæ, tum Cæsaraugustæ didicit. Sacerdotio initiatus, ac Theologiæ laureâ insignitus, in Turcas incidit, qui captivum in Africam abduxerunt: sed in captivitate positus, herum ipsum Christo rursus lucrificavit. Cum eo igitur ex barbaris oris, opitulante Deipara, sese proripiens, ad Apostolica limina iter instituit: unde in Galliam reversus, Clippiaci primum, mox Castellionis Paroecias sanctissimè rexit. Renuntiatus à Rege primarius Sacrorum minister in Galliæ Trimeribus, mirum quo zelo, & ducum, & remigum salutis operam posuerit. Monialibus Visitationis à sancto Francisco Salesio præpositus, tantâ prudentiâ per annos circiter quadraginta eam curam sustinuit, ut maximè comprobaverit judicium sanctissimi Præsulis, qui Sacerdotem Vincentio digniorem nullum

2
Ihm se nosse fatebatur.
R. Ho nestum fecit, & c.

Lectio v.

EVangelizandis pauperibus, praesertim rusticis, ad decrepitam usque aetatem indefessus incubuit; eique Apostolico operi tum se, tum alumnos congregationis, quam sub nomine Presbyterorum secularium Missionis instituit, perpetuo voto à Sancta Sede confirmato, speciatim obstrinxit. Quantum autem augendae Cleri disciplinae allaboraverit, testantur erecta majorum Clericorum Seminaria: collationum de divinis inter Sacerdotes frequentia: & sacrae Ordinationi praemittenda exercitia: ad quae sicut & ad pios laicorum secessus, instituti sui domicilia libenter patere voluit. Insuper ad amplificandam Fidem, & pietatem, Evangelicos misit operarios, non in solas Galliae provincias, sed & in Italiam, Poloniam, Scotiam, Hyberniam, atque ad Barbaros, & Indos. Ipse verò, vita functo Ludovico Decimotertio, cui morienti hortator adstitit, à Regina Anna Austriaca matre Ludovici Decimi Quarti, in sanctius Concilium accitus, studiosissime

egit, ut nonnisi digniores Ecclesiis, ac Monasteriis praeficerentur; Civiles discordiae, singularia certamina, serpentes errores, quos simul sensit, & exhortuit, amputarentur; debitaque iudiciis Apostolicis obedientia praestaretur ab omnibus.

R. Amavit eum, & c.

Lectio vi.

NULLUM fuit calamitatis genus, cui paternè non occurrerit. Fideles sub Turcarum iugo gementes: infantes expositos: juvenes discolos: virgines periclitantes: Moniales dispersas: mulieres lapsas: ad triremes damnatos: Peregrinos infirmos: Artifices invalidos: ipsosque mente captos, ac innumeros mendicos subsidiis, & hospitalibus, etiamnum superstitibus excepit, ac pie fovit. Lotharingiam, Campaniam, Picardiam, aliasque regiones peste, fame, belloque vastatas, prolixè refecit. Plurima ad perquirendos, & sublevandos miseros sodalitia fundavit; inter quae celeberrima Matronarum coetus, & latè diffusa sub nomine charitatis puellarum societas: Puellas quoque tum de cruce, tum de providentia, ac sanctae Genovefae ad sequo-

ris

ris sexus educationem, erigendas curavit. Hæc inter, & alia gravissima negotia, Deo jugiter intentus, cunctis affabilis, ac sibi semper constans, simplex, rectus, humilis, ab honoribus, divitiis, ac deliciis semper abhorruit, auditus dicere rem nullam sibi placere, præterquam in Christo Jesu, quem in omnibus studebat imitari. Corporis demùm afflictatione, laboribus, senioque attritus, die vigesima septima Septembris, anno salutis supra millesimum sexcentesimo sexagesimo, ætatis suæ octogesimo quinto Parisiis in domo sancti Lazari, quæ caput est congregationis Missionis, placidè obdormivit: quem virtutibus, meritis, ac

miraculis clarum, Clemens Duodecimus inter sanctos retulit, ipsius celebritati die decima nona mensis Julii quotannis assignata,
R. Iste homo, & c.

IN III. NOCTURNO

Homilia S. Gregorii Papæ in Evangelium. Designavit Dominus. ut in Communi Evangelistarum.

R. vii. Iste est qui ante Deum.

R. viii. Sint lumbi. de Communi Confes. non Pontif.

Missæ. Justus ut palma. de eodem Communi ii. loco. Evangelium. Designavit Dominus, ut in festo S. Marci xxv. Aprilis.

In secundis Vesperis fit Commemoratio S. Margaritæ, ut in Breviario.



URBIS, ET ORBIS.

SUprascriptas Orationem, & Lectiones secundi Nocturni proprias S. Vincentii à Paulo Congregationis Missionis Fundatoris, prout jacent, ab Eminentissimo & Reverendissimo Domino Cardinali Lerccari diligenter revisas, examinatas, & in Sac. Rit. Congregatione relatas; Sac. eadem Congregatio ad humillimas preces R. D. Joannis Conti Superioris Generalis Congregationis Missionis, & Joannis Francisci Cossart ejusdem Congregationis benignè approbavit, ac singulis annis die 19. Julii in Officio diei festi ipsius Sancti ab omnibus utriusque sexus, tam Secularibus, quàm Regularibus, qui ad Horas Canonicas tenentur, sub ritu Semiduplici recitari, & imprimi posse concessit, si Sanctissimo D. N. visum fuerit. Die 7. Decembris 1737.

Factaque deinde per me Secretarium de prædictis Sanctissimo D. N. relatione, Sanctitas sua benignè annuit. Die 11. ejusdem Mensis & Anni 1737.

F. J. A. Card. Guadagni Pro-Præf.

Loco ✠ Sigilli.

T. Patriarcha Hierosolymitanus
S. R. Congr. Secret.